

2 TESALONAIKA

Ta yokwowa Pol siya winkika iikamim naingwo tibmiiyim simiiram om Tesalonaika hiranim simiiram ta yokwowa biiyana siya winkiya saiir mhoiiyar. Siya simiirsiyin minsi winkikin nhirim yim ha boini, Jisisin bidi swoki itin mi Pol siya hiniinam naingwowi simiir niksisaeya pi digiyim. Mi siya Biiyan Inkam Komii siya nitana saiir asi swoki win boinkikin. Iriig.

1 ¹Pol, Silvenes, Timoti ta yokwowa krima winkika iikamim naingwo tibmiiyim Adi Komii siir piuganim om Tesalonaika hiranim kimiiram. Mi kima krimiir Adi Komii mi Biiyan Inkam Komii Jisis Kraiss sowiirgo. ²Mi krima hiniina naingwowi Adi Komii krimiir Wanin siya mi Biiyan Inkam Komii Jisis Kraiss siya, sowiir naingwoyimiyoka kimaka dwo mi kima hiriayar dongwomamair aekaeyam. Iriig.

Pol siya Adi Komii siir boin wadieki

³Iinokiinokin, krima Adi Komii siir boin wadie iikam kimiirsi. Dimusi rani, kima Adi Komii siiramin nhami nhami naingwo tibmii rani mi wim kima nhami nhami mi naingwokwonanae rani, irni nwirniyamim. ⁴Dimusi rani, krima kimiir inigim ti dimin taeminim simiirsi hainani mi krima ina boinmamaugiyim iikamim Adi Komii siir piugananim hinda tinda nwowim simiir mi krima simiir boinmimauu dimin biyieyim yipiki iikamim sima tirim kimiir mi kimiirin sima kimpipisu prasae bi hauugim. Mi ti kimpipisu hiriinananim yim wi mairgimairga nwo karam kimiir nwowwaiginiu rani. Niingaka. Wim kima mairgimairga mi kirie hiriayar nokworinu kripkaigim. Iriig.

⁵Mi kima hiriayar dokworinukripkai krimiir niisiimauuim Adi Komii siya iikam imiirin wa kiwaki kimiir kinankiuam. Dimusi rani, krima siir mii aiir mirii. Mi hiriinan saiirsika Adi Komii siya wi iikam whiekakim wi simiir niisiimauuwi hiniinin wim kima wadiekim. Dimusi rani, wim kima ta kinankiu aiirin hiriayar nokworinukripkaigim mi yim sima miyik rani mi siya wi hiniina boini ini wadieyar mi owin kira saikar timi inkin o mi kiriirin wi siyar kigriraowi. ⁶Mi mhoiia Adi Komii siya wi ti iikamim yipiki biiya siyu biye kiriir tirim simiir nonkwobumbuninkini. Dimusi rani, iikam whiekakim siya

wi wadieyar sibgu kigirkaki. ⁷Mi iriipa hiriinan mhoiia Adi Komii siya wi ti dimin taeminim yipikin kimiir mi krimiir maigimaiga krimiir nwowaiginiu karamae nwowiyim mi wi siya nitkiigii mi sima wi krimiir haiburgigi mi krma wi wadieyar sibgu owi. Mi ti dimin taemin whiekakim wa nimbiyami iia Jisis siya mi siir paekwo sim ieya iia sowa Adi Komii siir om iir haiburgigi mi sima wi sima sima nimbiyamnae paeya paowii karamaeya sair hirin. ⁸Mi siya yipiki iikamim Adi Komii siir ninokninkinsi boriisopim wi simiir tirbuwi, iikamim yipikim krimiir Biian Inkam Komiiyin Jisis siir Yai Win Kibiya sair wakaeyokna karamae nwowiyim wi warar mi inkin tirbumbuki. ⁹Mi ti hiriinan iikamim siya wi simiir tirbumbuwu mi Biian Inkam Komiiyin siya wi simiir nikropki sima siir whwonkam ida nwosi mi siir dimin kirie komiiyin paenan niyaeiyn mi siir kirie komii aeya mi wi sima tioidwomai iinokiinokin. ¹⁰Mi tikiriiginim yim wi taka hiniin iia sae nimbiyami mhoiia siya niti mi iriipa hiriinan iikamim yipiki siir wakaeyokna apiyim sairsika mhoiia sima wi inig komii siir hauwi. Sima mi krma wi kakakar nwowi mi maigimaiga saika ninkin owi. Mi siir yayim krma bidi yanaakninkii haiginiuum mi kima simiirar wakaeyokna ap. Mi ti hiriinan sairsika kima mi sima wi ti digworaekwowim simiir nwoki tirim.

¹¹Mi ta hiriinan sairsika iinokiinokin krma iikam kimiiramim Adi Komii siirama srii, kima wi mi miyik nwoki miriiyim mi ta hiriinan sairsika siya wi hiniin asi naingwowi siir yinisisim nwowamin. Krma siiram kwis boini mi ta hiriinan sairsika kima wi dimin taemin miyik miyikim kima tiram naingwowim wi simiirar nwoki tirim. Mi kima ti diminim kima tirim wi siir kirie aiarar tiri, whisarii rani, kima siiram naingwo tibmiigim. ¹²Mi krma ta hiriinana sairsi kwis boini Biian Inkam Komiiyin krma siir inigin wi kougikouwa hainanki. Dimusi rani, ti dimin miyik miyikim siya tirim iikam kimiir kwoin imiir mi sima wi kimiir inig imiir hainanprapraskii. Dimusi rani, sairsika. Mi ti dimin taeminim wa nimbiyami whisarii rani, krimiir Adi Komiiyin mi krimiir Biian Inkam Komiiyin Jisis Krai sowiirni naingwoyimiyoka ini krimaka nwowa. Iriig.

Dimin biyieki biye ieya

2 ¹Tapa krma ti nomiiyauwim kimiirin Biian Inkam Komiiyin siir boinmauugi, siya wi sipi swoki iti mi krma wi irkiiripa saika nwowi. ²Krma kimiir srii, ti nomiiyauwim kimiir kwoinin nidid kwoin aisiima kipi niki o mi kima ha wakaewinkim Biian Inkam Komiiyin siya bidi yitin. Niingaka. Krma ninokninkin tani, kimiirin inkamki boinmauugim ti dimin imiirin mi inkamki nanaakninki haiginiugim mi siya tari ha naingwokin Adi Komii siir naeyiun siya boinmauugin siirin

mi tari yokwoni inkamki winhauugin, ti dimin taeminim mi simiirim kipi naingwo tibmii. ³Mi inkam nwirki kiriir kwoin iir nipiyaokiiyam kipi kigninkinwin ti hiniin siyu bibiyeyim sim, yai biye boin mi yokwo biye win mi iki dimin biye nhirim simiir warar. Niingaka. Mi ta iiya Biiyan Inkam Komii siya swoki itana, saeya wi whisarii nimbiiyam tani. Niingaka. Biiyan iikam whiekakim wi digiumii Adi Komii siir niki haimriyuwi mi ti inkam biye komiigikomiiyin yio wi sasar nanaakninkiinaei. Mi ti inkam hiriinanin siyairgin maeyauwa paeki nwowa saiir hir tioidwomaii. ⁴Mi siya wi sasar nokmwin okwonaei Adi Komii siir om hirin, digworaekwo niksisaeyim iikamim sim hainaniyim simiir biiyin mi siya Adi Komii siir omaka aiir nidwokai mi siya wa boini, karakikarairgin Adi Komiiyin.

⁵Mi kima daingwoki yayim biya kara kimaka niki owa mi ha boinmamauwim simiirin mi kima simiirin biri naingwowarkainakim, aniya? ⁶Mi tariinanin, kima ti Adi Komii iirin ina ninokninkinin dimin siir siyu iir ninkripiiiyin mi ta hiriinan saiirsika, siya wi sasar nanaakninkiina rani. Niingaka. Wi iiya Adi Komii siya nimbina siirim, wi saiirar digi. ⁷Mi iriipi hiriinan, ti dimin biyeyim yipiki ti inkam biyeyin wi siya tiri, iiya siya niti ya bidinanar nimprio amkika mi ti inkam biyeyin yio wi niki it rani. Niingaka. Siir siyuin wi Adi Komiiyin yipiki siir siyu iir ninkripiikouwin wi siyar haiwao budgii siya nitamin. ⁸Mi ta saiir mhoiiyarin, ti inkam biyeyin siyu biye iir wakaeyokna apiyin mi siya wi sisiiyar nanaakninkiinaei. Mi krimiir Biiyan Inkam Komiiyin Jisis siya inkam biye komiiyin siirin wi yainiyar kubrukigi mi Jisis siya wa swoki iti mi siya wi sasar nanaakninkiinaei mi ti inkam komii biye siir kirieya wa digi mi siirin wa nonkwobumbu ninkinki. ⁹Mi ti inkam biyeyin siyu biye tiriin siya wi inkam komii biyeyin siir kirie komii anaka niti mi siya wi dimin kirie komii komii imiirar tiri, ti diminim yipiki biya iikamki kig karamae nwowim mi siya wi dimin miyik miyik imiirar tiri iikamim yipiki Adi Komii siir wakaeyokna ap karamae nwowim wi simiir kiyopsibgi haiginiuwu mi siya wi dimin biye kirie komii komii imiirar diriraerari iikamim sima wi nwoki kigididim. ¹⁰Mi siya ti iikam imiirin wi inkam komii biyeyin siir kirie komii anakar kiyopsibgi haiginiuwu. Mi ti yipiki iikamim Adi Komii siir wakaeyokna ap karamae nwowim, yim wi Adi Komii siyar nonkwobumbuninkin iuguski. Siya wi simiir kiyopsibgi haiginiuwu. Dimusi rani, simiirin bi nanmaiwarkainakim mi sima ta Yai Win Kibiya kaimwo nwowiya saiirim biri naingwo tibmiikim. ¹¹Dimusi rani, ta hiriinana saiirsika, Adi Komii siya bidi kiwakiyin diminin simiir kiyopsimsibgikikaiyamin. Mi siya simiirin minam tirkikin sima ti niksisa diminin siirim nwoki naingwo tibmiiyim. ¹²Mi ta hiriinana saiirsika, ti iikamim yipiki yaimwokiayimwo aiirim naingwo tibmii karamae nwowim, sima wi dimin biye haii Adi Komii siir hiranki. Dimusi rani, sima dimin

biyie tirim naingwokim mi Adi Komii siir yai aiirim bi naingwo tibmiikim. Iriig.

Mi kimiirin Adi Komii siya bidi yimbinin kimiir nanmaiwarkainamin

¹³ Ti nomiiyauim Biian Inkam Komii siya kimiiram naingwokwonanaeikin mi iinokiinokin krima Adi Komii siir boin wadie. Dimusi rani, bidi bidiniyar in siyar nokmw in okwo haiginiugin kimiir nanmaiwarkainaim. Kara kimiirin whisarii bi nanmaiwarkainakin Adi Komii siir naeyiu in siir kirien i kimiirin wi saeyar whinkinsiis haiginiuwi dimin whirki kimbu karamae nwowamin mi siir yaimwokiya imwo aiiram naingwo tibmiiyim. ¹⁴ Siyar nikiunakin kimiirin ti dimin taeminim simiiram kimiir naingwo tibmiini, ta Yai Win Kibiya saiiram yipiki krima nanaakninkii haiginiuwa kimiir mi kima wi dimin miyik miyika haii krimiir Biian Inkam Komii Jisis Krai siir hirankin. ¹⁵ Mi ta hiriinan sairsika, ti nomiiyau in kira kiriir kwo in kirie dwo mi ha dokworin mi ta yai aiir wakaeyokna ap, biya krima boinmauwim kimiir krimiir yainiyar mi yokwoni krima mi winhauugi ikim.

¹⁶ Krima ha naingwowi ti krimiir Biian Inkamin Jisis Krai siyar mi krimiir Adi Komiiyin yipiki krimiiram naingwokwonanaeyin mi krimiir whinkinsiis haiginiuwi in siir naingwobumbuwa, wi krimiir hauwi mi naingwo tibmii miyika mi iya siya nitana saiir in nwokwokin aka ¹⁷ kimiir kwo in imiir siiboboinu haiginiuwam mi kimiir kwo in wi hiinsima nwowi mi kima wi kirieya nwoki owim mi siya wi kimiir whinkinsiis haiginiuwi dimin miyik miyik tiram mi dimin taemin nhirim simiir warar mi wi siyar whinkinsiis haiginiuwi kimiirin yaimin dimin miyik boinam. Iriig.

Kima krimiiram kwisboin

3 ¹ Tariinan in ti nomiiyauwim, kima Adi Komii krimiir Wan in siir in kwisboin krimiiram mi ta hiriinan sairsika krimiir Biian Inkam Komiiyin siir ya iym wa namsisauugi omom omom in simiir. Mi iikam in sima simiir waka ei mi sima wa wakaeyokna api, ti iikam in kima wakaeyokna ap in saiir hiriinan. ² Mi siir in kwisboin, siya krimiir nanmaiwarkainaim iikam biyeyim simiir hirankin. Dimusi rani, iikam whiekaki bi wakaeyokna apikim Adi Komii siir in.

³ Mi krima ha naingwo tibmii, Biian Inkam Komii siya wa diriraerari mi siya wi kimiir whinkinsiisi kima sibgu okwo rinukripkaiyim mi siya wi kimiir kigiraowi mi Setan siya wi kimiir niyopakaiyu rani. ⁴ Mi krima naingwo tibmii kiriekakim Biian Inkam Komii siir in mi iikam kimiirin wi digar nwowaiginiuwi mi kima dimin in biya krima boinmamauwim mi mhoiia kima wi simiir swoki tirikripkaii.

⁵ Krima ha naingwowi, Biian Inkam Komiiyin wi siyar nowomwarkaiyuwi kimiir kwo in mi kima wa ninokninkini, Adi Komii

siya iikam kimiiramar naingwokwonanaeikin. Mi iiya kima hikak nwowi mi kima wa sibgu okworinuwi Kraisiir inig iirin. Iriig.

Iikam whiekakim kima miyyar mirii

⁶Mi tariinanin krima yai kirie kimiir boinki Biyyan Inkam Komii siir yai imiir. Mi yipiki iikamkim kimiir bopwoniya waraur nwowim siya hindara sibiidwo nanmimiki mi yaimin diminim biya krima hauugiyim simiir wakaeyokna ap karamae nwowi mi kima aru siirsi dwo. ⁷Whisarii rani, kima kima ina ninokninkinim, kima miyyim krima miriyyim simiir hiriinan wakaeyokna mirii. Biya iya krima kimaka nwowim krima hindara bi sibiidwokim. Niingaka. ⁸Mi krima inkam nwirni naeyim whisarii bi sibaekim. Niingaka. Krima umirniyar sainaekim, nii nabie mii pranae, bi miriigim mi ta hiriinan sairsika mi krima hiknan wi kimiir hauu rani. ⁹Mi krima ti dimin imiir tiram miriikim. Niingaka. Dimusi rani, krima inig karamae rani, naemin dimin kimiir warauranki haiyim. Niingaka. Krima ti diminim minam tirkim, kima krimiir kigna diriraerarim. ¹⁰Biya iya krima kimaka nwowim, krima kimiirin yai kirie aiar boinkikin, yipiki mii mirii karamae nwowiyin, naemin dimin siir kipi hauuae.

¹¹Krma ti diminim kimiirin whisarii bi boinkikin, krma bidi wakaeyim, iikam nhirim kimiir bopwoniya waraur nwowim sima ini hindara sibiidwo nainmimikim mii mirii rani, sima yai ara sibiidwo boina yokiyoiki. ¹²Ti hiriinan iikamim krma yai kirie kimiir boinki, krimiir Biyyan Inkam Komiiyin Jisis Kraisiir inig iir. Mi sima sibgu didwo mi kima kimiir mii imiirar sibgu ainmimik mirii mi sima naeyim sima hai, sima naeyimin mi iikam nirmi anka kipi hai. ¹³Mi iriipi hiriinan kima ti nomiiyauim kima kipi nhaku wa dimin miyyikim kima tirim, simiirsiyin. Niingaka. Kima simiirar tirkripkai. ¹⁴Mi inkam nwirki ti yayim yokwoni krma winkiyim simiir wakaeyokna karamae nwowi mi kima saika kipi nwo mi dimin whir saika kipi mi tir mi ta hiriinana sairsika siya wi nididkak nwowi. ¹⁵Kima siirimin sau omomnan kipi naingwo. Niingaka. Kima saika boina, kimiir nomiiyau miyyikni haniin.

Nikopkaigiyan yai aeya

¹⁶Krma ha naingwowi Biyyan Inkam Komiiyin sasairgin iikamim simiir hauuwiyin nongwomamair aekiyami siyuin siir bwamkibwamin. Mi iya kimiirin dimin miyyik mi dimin biyeeki nimbini mi kimiirin wi nongwomamairni kwoinin siya wi hiriyar nongwomamair aekiyami. Mi Biyyan Inkam Komiiyin wi kimiir irira nwonira aka nwowi.

¹⁷Kara Polkin, kariir iinga winkika ta boin maigimaiga yaiya. Kara ti hiriinan minam winkikim kimiir niisiimauuwim ti yokwoim yim karar winkikim. Kariir iinga winkim simiirin.

¹⁸Kara ha naingwowi Biyyan Inkam Komiiyin Jisis Kraisiir naingwoyimiyoika wi whiekak kimakar nwowi. Iriig.